



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՈՐՈՇՈՒՄ

ԱՐԱԳԱԾՈՏՆԻ ՄԱՐԶԻ ՄԱՐԶԱՅԻՆ ՀԱՄԱԿԱՐԳՈՂ ԸՆՏՐԵԼՈՒ ՀԱՄԱՐ ՓԱՍՏԱԲԱՆՆԵՐԻ ԺՈՂՈՎ ՀՐԱՎԻՐԵԼՈՒ ՄԱՍԻՆ

Ղեկավարվելով «Փաստաբանության մասին» Հայաստանի Հանրապետության օրենքի 13-րդ հոդվածի 11-րդ մասի 17-րդ ենթակետի, Հայաստանի Հանրապետության փաստաբանների պալատի (**այսուհետ՝ Պալատ**) կանոնադրության 17.5-րդ կետի 12-րդ և 27-րդ ենթակետերի, ինչպես նաև Պալատի նախագահի 20.01.2020թ. թիվ 15-Լ որոշմամբ նոր խմբագրությամբ հաստատված «Մարզերում համակարգում իրականացնելու մասին» կարգի 7-րդ, 8-րդ և 28-րդ կետերի պահանջներով,

հաշվի առնելով Հայաստանի Հանրապետության Արագածոտնի մարզում մարզային համակարգողի ընտրության կապակցությամբ փաստաբանների ժողով (մարզի փաստաբանների համատեղ հավաք) հրավիրելու անհրաժեշտությունը,

Ո Ր Ո Շ Ե Ց Ի՝

1. **2026 թվականի սեպտեմբերի 25-ին Արագածոտնի մարզ, ք. Աշտարակ, Ակադեմիկոս Ղափանցյան 2/4-2/5 հասցեում** Հայաստանի Հանրապետության Արագածոտնի մարզի համակարգողի ընտրության համար անցկացնել Արագածոտնի մարզի փաստաբանների ժողով (**այսուհետ՝ Ժողով**):

2. Սահմանել, որ՝

2.1. **թեկնածուների ինքնաառաջադրումը սկսվում է 2026 թվականի սեպտեմբերի 3-ին (սույն որոշման հրապարակման օրը) և ավարտվում է 2026 թվականի սեպտեմբերի 9-ին, ժամը 18:00-ին.**

2.2. **քարոզչությունը սկսվում է 2026 թվականի սեպտեմբերի 18-ին և ավարտվում է 2026 թվականի սեպտեմբերի 23-ին.**

2.3. **2026 թվականի սեպտեմբերի 24-ը համարվում է լռության օր.**

2.4. **Ժողովի քվեարկությունը սկսվում է 2026 թվականի սեպտեմբերի 25-ն՝ ժամը 14:00-ին, և ավարտվում է նույն օրը՝ ժամը 15:00-ին:**

3. Հանձնարարել Պալատի աշխատակազմի ղեկավարին՝

- իրազեկել Արագածոտնի մարզի փաստաբաններին՝ ծանուցումը Պալատի ցուցակում գրանցված էլեկտրոնային փոստով ուղարկելու, Պալատի վարչական շենքում (ք. Երևան, Զաքյան 7-2, 4-րդ հարկ հասցեում) գտնվող համապատասխան ցուցատախտակի վրա փակցնելու, ինչպես նաև Պալատի կայքէջում հրապարակելու միջոցով:

- սույն որոշման մասին իրազեկել մարզային խնդիրների համակարգման գծով Պալատի նախագահի տեղակալին.
- Համապատասխան մարզային հաշվիչ հանձնաժողովին ապահովել անհրաժեշտ նյութատեխնիկական միջոցներով:

4. Հաստատել Արագածոտնի մարզի փաստաբանների համատեղ հավաքի ծանուցման ձևը՝ համաձայն հավելվածի:

Հայաստանի Հանրապետության
փաստաբանների պալատի նախագահ՝

Սիմոն Բաբայան

**03 սեպտեմբերի 2026թ.
թիվ 558-Լ
ք. Երևան**



Հավելված
ՀՀ փաստաբանների պալատի նախագահի
03.09.2026թ. թիվ 558-Լ որոշման

ԾԱՆՈԻՑՈՒՄ

**Արագածոտնի մարզում մարզային համակարգողի ընտրության համար
փաստաբանների ժողով հրավիրելու մասին**

ք. Երևան, Զաքյան 7-2

03.09.2026թ.

Հարգելի՛ փաստաբան,

Սույնով Դուք ծանուցվում եք այն մասին, որ 2026 թվականի սեպտեմբեր 9-ին Արագածոտնի մարզ, ք. Աշտարակ, Ակադեմիկոս Ղափանցյան 2/4-2/5 հասցեում (ՀՀ փաստաբանների պալատի հանրային պաշտպանի գրասենյակի Աշտարակ քաղաքի նստավայր) Արագածոտնի մարզի մարզային համակարգողի ընտրության կապակցությամբ հրավիրվելու է Արագածոտնի մարզի փաստաբանների ժողով (մարզի փաստաբանների համալսարանի հավաք, այսուհետ՝ ժողով):

1. Քվեարկությունը սկսվում է 2026 թվականի սեպտեմբերի 25-ին՝ ժամը 14:00-ին, և ավարտվում է նույն օրը՝ ժամը 15:00-ին:
2. Մարզային համակարգողի թեկնածուների ինքնաառաջադրումը սկսվում է 2026 թվականի սեպտեմբերի 3-ին և ավարտվում է 2026 թվականի սեպտեմբերի 9-ին՝ ժամը 18:00-ին:
3. Քարոզչությունը սկսվում է 2026 թվականի սեպտեմբերի 18-ին և ավարտվում է 2026 թվականի սեպտեմբերի 23-ին:
4. Մարզի յուրաքանչյուր փաստաբան քվեարկությանը պետք է մասնակցի անձամբ:
5. Քվեարկության օրը պետք է ներկայանալ անձը հաստատող փաստաթղթով կամ փաստաբանի վկայականով:
6. Քվեարկության գաղտնիությունը ընտրող փաստաբանի համար ոչ միայն իրավունք է, այլև՝ պարտականություն:
7. Համակարգողի թեկնածուի առաջադրումը կատարվում է հաշվիչ հանձնաժողովին ինքնաառաջադրման մասին դիմում ներկայացնելու կարգով:
8. Ինքնաառաջադրվելու իրավունք ունի յուրաքանչյուր՝ արտոնագիրը չկասեցրած փաստաբան, ով՝
 - ա) հաշվառված է և գործունեություն է իրականացնում (ունի փաստաբանական գրասենյակ կամ աշխատում է փաստաբանական գրասենյակում կամ որպես փաստաբան հիմնականում գործում է) մարզում,
 - բ) տիրապետում է համակարգչային հմտություններին (կարողանում է վարժ օգտվել առաջին անհրաժեշտության համակարգչային ծրագրերից, այդ թվում՝ MS Word ծրագրով կազմել տեքստ, ինչպես նաև օգտվել համացանցից):

9. Փաստաբանը կարող է որպես համակարգող ընտրվել միայն մեկ մարզում:

10. Մարզային համակարգողի թեկնածու չեն կարող ինքնաառաջադրվել Պալատի նախագահը, Պալատի խորհրդի անդամները, ինչպես նաև նույն կարգով նախատեսված վստահված անձինք և հաշվիչ հանձնաժողովի անդամները:

11. Ինքնաառաջադրման մասին դիմումը պետք է պարունակի՝

- թեկնածուի ազգանունը, անունը, հայրանունը.
- թեկնածուի բնակության վայրը, հեռախոսահամարը և էլեկտրոնային հասցեն.

- թեկնածուի աշխատանքի կամ գործունեության վայրը և պաշտոնը (զբաղմունքը).

- համակարգչային գիտելիքներ ունենալու վերաբերյալ նշումը.

- թեկնածուի արտոնագրի համարը.

- թեկնածուի ստորագրությունը:

12. Թեկնածուների ինքնաառաջադրման համար սահմանված ժամկետի ավարտից հետո հաշվիչ հանձնաժողովը մեկ օրվա ընթացքում ընդունում է որոշում թեկնածուին գրանցելու կամ գրանցումը մերժելու մասին: Թեկնածուի գրանցման պահից, վերջինս ձեռք է բերում քարոզարշավին և ընտրությանը մասնակցելու իրավունք:

13. Թեկնածուի գրանցումը մերժվում է, եթե թեկնածուն հաշվառված չէ կամ գործունեություն չի իրականացնում համապատասխան մարզում, կամ առկա է սույն կարգով նախատեսված թեկնածությունը բացառող այլ հանգամանք: Թեկնածուի գրանցումը մերժելու մասին հաշվիչ հանձնաժողովի որոշումը պետք է լինի պատճառաբանված:

14. Թեկնածուի գրանցումը մերժելու մասին հաշվիչ հանձնաժողովի որոշումը կարող է երկու օրվա ընթացքում բողոքարկվել Պալատի նախագահի առաջին տեղակալին:

15. Ինքնաառաջադրման վերաբերյալ դիմումը պետք է ներկայացվի մարզային հաշվիչ հանձնաժողովին ք. Երևան, Զաքյան 7-2, 4-րդ հարկ հասցեով կամ էլեկտրոնային նամակով՝ info@advocates.am հասցեով (առնվազն ստորագրված և սկանավորված տարբերակով):

«Մարզերում համակարգում իրականացնելու մասին» կարգը և անհրաժեշտ այլ տեղեկությունները կարող եք ներբեռնել Պալատի www.advocates.am կայքէջից:

Հայաստանի Հանրապետության
փաստաբանների պալատի աշխատակազ